

續修四庫全書

《續修四庫全書》編纂委員會編

續修四庫全書

上海古籍出版社

五九三・史部・地理類

肇域志□□卷（存江南十一卷、浙江二卷、山東八卷、山西五卷、河南四卷、湖廣三卷、陝西十卷、

雲南二卷、貴州一卷、廣東二卷、福建二卷）（陝西四至陝西八）〔清〕顧炎武撰……………

2665/03

肇域志

崑山顧炎武

臨潼縣

本驪戎國春秋晉獻公伐驪戎其後秦滅

冷疑冷字之誤

鴻門上疑奪為字

之為驪邑漢高帝七年置新豐縣唐武后改為慶

山縣天授二年於縣界冷口置鴻州析慶山渭南

鴻門縣與慶山高陵櫟陽渭南五縣隸焉久視元

年廢州并鴻門縣神龍元年復改慶山為新豐縣

開元後玄宗每歲十月幸温湯歲盡而歸以縣去

温泉稍遠天寶四載析新豐萬年於温泉宮置會

昌縣於今治以山名名之六載築會昌羅城七載

陝西四

省新豐改會昌縣及山曰昭應宋大中祥符八年
避玉清昭應宮名改曰臨潼以水爲名元大德間
以櫟陽省入 金沙洞在長生殿南按舊志山陰
多黃金萬曆二十五年有百戶段大金上疏隨遣
內史趙欽開採經年所獲不足夫匠人之費後以
供額不繼分派地畝至三十四年罷採民始蘇
清河在縣北六十餘里自荆山東下至黑市橋轉
西南至櫟陽復折而東至相橋與漆沮合流西南
入於渭是名交口 漆沮河一名石川中多圓石
故名自耀州合流歷斷原東橋南下至相橋與清

水合至交口入渭書蔡傳以爲至朝邑入渭者誤
舊唐書一行傳上爲一行製碑文親書於石出
內庫錢五十萬起塔於銅人原明皇幸溫湯過其
塔前又駐馬徘徊令品官就塔前以告更賜絹五
十匹以蔣塔前松柏馬僧一行葬塔在縣西南銅
人原按銅人原在霸陵東北十五里薊子訓與父
老摩孺銅狄即此舊唐書王璵傳道士李國禎請
昭應縣南三十里山頂置天華上宮露臺大地婆
父三皇道君太古天皇中古伏羲媧皇等祠堂並
置掃灑宮一百戶又於縣之東義扶谷故湫置龍

堂並許之昭應縣令梁鎮表諫乃止

華州 州東南一十里爲少華山東連太華山峯稍
低故曰少華山張衡西京賦云綴以二華謂太華
少華也少華山中峯一名少華峯東爲獨秀峯或
曰玉女峯東爲小敷峪元祐中鄭縣小敷峪內山
摧頽傷民社蓋入峪三里爲車轍崖又二十里有
玉女廟廟之東有金壺峽其神異古今莫能採取
之又十里爲蒼坪又十里曰千崖崖東有仙人洞
乃張三丰與華陽真人等所居洞下有小泉足汲
以爲數人之用東爲寧山山下建浮屠又東爲猛

禧窟遺書作時窟

虎峪南入十五里為蟠龍山或云潛龍山兩山環
 列甲於諸山迤北近峪口之峯古云阜頭峯天禧
 五年崩裂有石子坡今日石灘東西五里南北十
 里史稱民居六社壓覆無存鄰山之民言數年峯
 上有雲氣遇風雨即隱隱有聲是夜初昏畧無風
 雨山上忽霧起有聲漸大地遂震山裂其下水出
 其深無際名曰移夷或作山潭其崩山遺址名半截
 山又曰復成山張潛記曰天禧五年九月少華前
 崩其潭水匯為數區今日蓮花池石阜上有孫碧
 雲道菴菴下山谿中有巨石虎窩世傳孫碧雲受

張三丰仙人道術太祖高皇帝賜衲衣茶果成祖
文皇帝召爲右正一提點武當山主勅又有文皇
帝御製詩賜虛元子孫碧雲又景皇帝遣使召問
賜號虛玄子以歸東爲白崖峪峪路亦通蟠龍山
寺又東爲構峪南二十里至乾喜舖又二十里至
構嶺又一十五里曰下陽川民聚數百家立爐燒
銀銅錫沙石立數百爐場燒銀砂銅砂錫砂石自
下陽川又南一十五里至秦嶺自構谷口東爲鳳
谷山山接秦嶺西來之脉突立一峯左右兩山舒
翼然其山柏樹蒼鬱遠眠於數十里之外東爲三

甲山又東爲方山接華陰境矣自少華峯之西曰白石峪又西潭峪即白龍潭也又西爲水峪峪之麓有甘露寺唐鄭谷有詩西爲鄭南峯以後周所移鄭縣名西爲太平峪有五眼泉一名海眼泉引細流入於華州又西爲飛來峯又西爲小山又西爲五龍山山巖有風穴風來能殺穀往土人祀壓之嘉靖乙卯地震後又爲土人作祠又西爲石隄峪峪水流至良侯村之北名五港河合赤隄峪水入砂礪石橋鋪河以達於渭其峪甚遠南入峪裏曰五里泉文豹石又五里曰東岐溝又五里曰楊

家龕又五里曰灰池又六里爲千崖二岔又二里爲東石門西石門又五里爲棗天石又十里曰董家坪瓦房底秦嶺底度秦嶺十里曰吳宮饒材木凡華之民多就取之又五里曰黑龍潭峽又五里曰含青岡坪坪之東南十五里抵金堆城自青岡坪正南十里爲羽坪又十里爲五勝溝接洛南境自石隄峪之西爲栲栳山又西爲赤隄峪自此山勢西南行數百里之外又列終南屏障以應曲江之匯而爲長安大都云入峪卽有葫蘆潭峪之南二十五里至餘秦嶺嶺南曰桃坪自赤隄峪之西

南為小肺原又西為柳村原其北曰瓜坡紫川泉
泉右瓜田之地也自瓜坡而西南升原曰平原又
升之南曰柰莊又南之山曰金堆峪金堆峪以達
秦嶺之金堆城者瓜坡之下西北曰車獨村又西
為漁村川沿川之徑陟東麓曰上清宮宮在函山
之內上有林阜臨一泉在宮之側甘可給數百人
之用上清宮之南有古玄真觀其西南稍稍見秦
嶺一脉而左為三岔坪右為插劍石下曰喬峪喬
峪水即下帶諸漫水流為漁村川而入於遇仙橋
者也喬峪之麓有白龍泉墨龍泉又下白千頃漫

陝西四

五

又下迤北有原名龍王嘴西爲駱駝渠又北曰大明寺其原之下曰會東方村有漢東方朔墓其西曰赤水鎮赤水遵川而南曰聖山川又西南曰新莊頭又南迤東曰高堂嶺又南曰柿村又南之山曰李峪峪之西曰澗峪南有向陽宮飲馬槽其北曰豐塔寺又北爲江村原原有川水秀若江南澗峪之西曰牛耳峪又西曰龍耳山西爲箭峪又西爲獨孤氏之坡接渭南縣界 赤水鎮在州西三十里渭南之界西曰赤水河南有倒獸山土人建周處廟東爲遇仙橋水出自喬峪北入於渭橋之

南曰利俗渠唐地理志開元四年詔引喬谷水為	利俗渠支分溉田又東為三家店又東為石橋鋪	河水自石堤峪出北入於渭又東南曰劉家山東	有徐晃馬跑泉又東為西溪水水受諸峪而成泓	漾溪初分流灌田至縣沙澗諸村則萬壑風烟眺	遊勝絕之所也考唐書昭宗光化元年六月己亥	帝在華州幸西溪觀競渡天復元年十一月朔汴	靈陷同州華州節度使韓建遣判官李巨川送款	甲寅汴軍駐靈口乙卯朱全忠知帝出鳳翔乃回	兵攻華州大軍駐赤水全忠以親兵駐西溪遂襲
---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

陝西四

取	韓	建	今	止	一	溪	之	細	流	耳	北	二	里	許	土	人	稱	杜
基	蓋	杜	子	美	遊	春	亭	舊	址	也	又	西	南	三	里	為	鄭	縣
址	此	鄭	縣	乃	秦	所	立	者	按	清	類	天	文	志	紀	隋	開	皇
三	年	移	治	於	故	鄭	城	四	年	又	移	於	廢	華	州	城	唐	武
德	四	年	又	自	州	城	徙	於	州	東	一	里	興	元	元	年	仍	移
鄭	縣	於	城	西	三	里	五	代	宋	金	元	咸	為	倚	郭	邑	國	朝
併	入	華	州	大	明	一	統	志	鄭	縣	在	華	州	城	北	後	周	移
於	西	南	九	里	今	縣	址	俯	漢	溪	稱	王	氏	村	云	又	東	為
磨	渠	土	人	行	水	磨	於	沼	溪	下	曰	神	臺	官	本	隋	普	德
宮	北	為	雞	灣	又	東	為	姬	氏	雙	渠	塢	又	東	為	南	溪	水

汶當作汶下頁改

與州城相直水自太平峪五眼泉引入城內者溪
上有故芙蓉園址又東爲城南東寨西寨又東爲
白龍渠渠畔有孝感泉在少華山之北又東爲東
溪溪水自小數峪來又有泉以益溪流支分溉田
其北爲羅汶橋南村萃千家民以山楮搗作小山
紙給用然地隘民貧日日爲人傭役焉又東爲下
石灘又東爲騫家窰孫家村村北逶迤而下爲龍
岡岡北爲柳子坡千頃水東爲柳子鎮民聚千家
柳子鎮有千家鐵匠作刀劍翦斧之用天下士大
夫所共索以爲贈遺者悉取於州官州官問之該

吏該吏派之總甲逐人派數索以爲納官之物及
給賈之時該吏總甲私需大半而民乃逃去三邊
買賣遺有孤嫠典賣田土以給官斂又東爲臺頭
華陰界其下稱蓬村村在渭水之浦左連新居一
望坡田居民多富然渭水卒然暴漲又稱不植矣
東以北曰渭水自州南麓視之環流如帶古謂關
中陸海沃野千里又史云渭川千畝竹者咸以渭
浦之勝言也自渭水而西有萬里沙又西曰鄭址
乃桓公友爲司徒之采地西南有沈陽廢縣址舊
在渭水北涇陽地漢安帝移於此尋廢西曰周泥